



МЕСЯЦА МАРТА В 27-Й ДЕНЬ

Святѣя матере нашаѣ Матроны Селунския

Стихѣры, глас 4.

Подобен: Яко дбля:

Иудейскому сверепству / и наглому суровству / помыслом сопротивилася еси, мужемудренная, / будущих предвидящи, Богомудрая, наслаждение, / пребывающее присно во веки неподвижимо, / еже получила еси, / от земли представляшися к чертогом Небесным / и лику неразориному, славная.

Царствия благолепие / и доброту красную / видети сподобилася еси Жениха твоего, / украшена ранами твердаго твоего страдания, / и источнику благих / достойно приблизилася еси. / Отонудуже Божественнаго веселия / богато плод прияла еси, блаженная, / и безсмертное благославие.

Ни иго работное, / ни слабость женская, / ни глад, ни раны запяша тя / мученическая твердость уподобитися, всеславная, / усердием бо души / муки претерпела еси. / Отонудуже получила еси Небесный чертог / и венцем благодатей украсилася еси, / предстоящи Зиждителю твоему.

Слава, и ныне, Богородичен,
глас и подобен тойже:

Осуждения избави, Пресвятая Богоневесто, / и лютых прегрешений / смиренную мою душу, / и смерти измени молитвами Твоими, / и даруй оправдание получитьи / в день испытания, / еже получиша святых собори, / покаянием очищена мя прежде конца покажи / и слез излиянии.

Крестобогородичен. Подобен тойже:

На Кресте Тя яко узре / пригвождена, Господи, /
Агница и Мати Твоя дивляшися, / и — что видение
сие, — взываше, / — Сыне вожделенне? / Сия Тебе
неверный собор воздаде беззаконный, / иже мно-
гих Твоих чудес насладивыйся. / Но слава
неизглаголанному / сошествию Твоему, Владыко.

Канон, егоже краегранесие: Матроны Божественную пою славу. Творение Феофана. Глас 4.

Песнь 1

Ирмос: Моря чермную пучину / невлажными
стопами / древний пешествовав Израиль, / кре-
стообразными Моисеовыми руками / Амаликову
силу в пустыни победил есть.

Божественным безплотным чином ныне слику-
ючи у всех виновнаго Бога / и ясно наслаждающи-
ся Богоначальнаго осияния, / поюция тя про-
свети.

Рабий сподобивыйся прияти зрак Христос Бог, /
свободити сего восхотев от тли и смертных уз, от
ига работнаго / тя, мученице, невесту обручи.

Женский пол сущи, вмужившиися благодатию, /
вознесенную гордыню и хвалящуюся безмерно
прежде истребити море, / немощию тела Божэ-
ственной силою низложит.

Богородичен: Дверь, яже к нам Твоего, Господи,
сошествия, / восток, и солнце, и свет, таинственно
Тя нарицаемаго преестественно облистат, сугуба
естеством Человеколюбца.

Песнь 3

Ирмос: Веселится о Тебе Церковь Твоя, Христе,
зовущи: / Ты моя крепость, Господи, / и прибежи-
ще, и утверждение.

Твердостию помысла пребеззаконную / и лютую
претерпела еси тяжкую муку, / славная Матроно
всблаженная.

Раны болезненные ощущаючи, / крепко терпела
еси, / осуждением же тьмы Божественную свет-
лость восприяла еси.

Кровей твоих токи нечестия огнище угасиша, /
верныя же напоиша Богочестия водами.

Богородичен: Скрижаль, ковчег, / приёмшу во утробе, Пречистая, Слово Божие безначальное, / богогласно восхваляем Тя.

Седален, глас 5.

Подобен: Собезначальное:

Благочестно поработившися Вседержителю, / злочестьем владычицы не поработилася еси, честная, / но претерпела еси твердо темное заключение и ран разжжение / и преставилася еси к Богу, Богомудрая мученице Матроно, / молися о нас, совершающих память твою.

Слава, и ныне, Богородичен:

Теплая предстательнице и непобедимая, / упование известно и непостыдное, / стено, и покрове, и пристанище прибегающим к Тебе, Приснодево Чистая, / Сына Твоего и Бога моли со Ангелы / мир дати миру, и спасение, и велию милость.

Крестобогородичен:

На Кресте зрящи Тя, Христе, Мати Твоя, / волею посреде разбойнику висяща, / растерзающихся утробой, матерски глаголаше: / безгрешный Сыне, / како неправедно на Кресте, якоже злодей, пригвожден еси, / человеческий род хотя оживити, яко Благоутробен?

Песнь 4

Ирмос: Вознесена Тя видевши Церковь на Кресте, / Солнце Праведное, / ста в чине своем, / достойно зываючи: / слава силе Твоей, Господи.

Силою Божественною, Матроно, укрепляема, / горькия владычицы избегла еси работы, / нрав бо смирен души стяжала еси, / единому Владыце работаючи.

Рыкаючи, и пьянством неистовствующи, и яростию терзающихся, / злочестивейшая ранами ссецаше, еврейским суровством, / мученице страстотерпице, тело твоё.

Юношеское показала еси терпение, / в несветлых местах заключаема, мученице, и голодом томима, / но обрела еси воздаяние безсмертия трапезу.

Богородичен: Златокованный свещник прооб-

разова́ше Бо́га носившую воплощённа, / зарёю
Божества́ вся просвеща́ющая, / Тя, и́стинную Бого-
ма́терь.

Песнь 5

Ирмо́с: Ты, Го́споди, мой свет, / в мир пришёл
еси́, / Свет Святы́й, обраща́яй из мра́чна невё-
дения / ве́рою воспева́ющая Тя.

Тя венёц свётел Богому́драя похвалы́ стяжа́,
Жизнода́вче, / и от тьмы к сия́нию Боже́ственному
изы́де.

Утверди́ Христос на ка́мени ве́ры но́ги тво́я,
блаже́нная, / к Немуже исправи́ла еси́ му́дре тво́я
сто́пы.

Ум Боже́ствен войсти́нну, и му́др, и Богомы́слен
ты иму́щи, / сия́еши в ли́це му́ченик, Матро́но
всблаже́нная.

Богоро́дичен: Божества́ зрак и зрак челове́че-
ства роди́ла еси́, Богома́ти, / соедине́ние несме́сно
по соедине́нию неслия́нному.

Песнь 6

Ирмо́с: Пожру́ Ти со гла́сом хвалёния, Го́споди, /
Церко́вь вопиёт Ти, / от бесо́вския кро́ве
очи́щися / ра́ди ми́лости от ребр Тво́их / истёк-
шею Кро́вию.

Е́вы ны́не, страстоно́сице, жела́ние объ́яла еси́
смы́сленно, / Матро́но, обожа́ема манове́нием
непреста́нным, / и пра́ведно присносу́щныя сла́вы
сподо́билася еси́.

Ни раб во Христё, ни свобо́дный су́дится, / но
доброде́тели благообра́зие, благоче́стия нра́вы
укра́шена, / ея́же показáлася еси́ творите́льница,
страстоте́рпице непобеди́мая.

Богоро́дичен: Хра́м Тя Бо́жий и черто́г знаём, /
ста́мну, свёщник и скрижа́ль, стяжа́вшую внут́рь
написа́ние / за милосе́рдие вопло́щшася Сло́ва,
Всенепоро́чная.

Песнь 7

Ирмо́с: В пе́щи авра́амстии о́троцы перси́д-
стей, / любóвию благоче́стия па́че, / неже́ли пла́ме-
нем, опаля́еми, взыва́ху: / благослове́н еси́ в хра́ме
сла́вы Твое́я, Го́споди.

С любóвию и дерзновéнием отлучíлася еси войстинну / ко твоeмú, всехвáльная, Рачítелю, благодарно взывáющи: / благословéн еси в хрáме славы Твоея, Гóсподи.

С весéлием и рáдостию прешлá еси, испóлнь добродéтелей всеразлíчных, Матрóно, / от землi к Небéсным ликóм, слáвная, / наследие получíвши безсмéртное.

Богорóдичен: Просвещéнна, преиспещрéна всеми добродéтелями, / Слово Отчее пáче слова родилá еси воплощéнное, Мáти Дéво, / благословéнна Ты в женáх, Всенепорóчная Владычице.

Песнь 8

Ирмос: Рúце распростёр, Даниíл / львов зияния в рóве затчé, / óгненную же сiлу угасиша, / добродéтелию препоясавшеся, / благочéстия рачítели óтроцы, взывáюще: / благословите, вся делá Госпóдня, Гóспода.

Богáтаго Свéта лучi сподóбилася еси видети, изменившиися плóти, / и в Небéсней скiнии жiти вмéсто скiнии тёмныя и мрачныя, / идéже заключенá былá еси, слáвная: / благословите, вся делá, / вопиóщи, Госпóдня Гóспода.

Красén венéц, íмже ныне венчáлася еси, слáвная, / живоначáльною десницею Вседержiтеля, / невесту бо видя, очервлéну ты кровéй твоих тóки, радуясь, уясни, / Емúже поём: / вся делá, благословите Госпóдня Гóспода.

Богорóдичен: Войстинну рóждши Бóга, / войстинну Всечiстая явилася еси, Мáти Бóжия, / iстинствующее носящи, по кóемждо рóждéнии, богоимéнство вёрным. / Тёмже слáвим Богорóдицу Тя богомúдренно, Всенепорóчная Владычице.

Песнь 9

Ирмос: Кáмень нерукосéчный / от несекóмыя горы, Тебé, Дéво, / краеугóльный отсечéся, / Христóс, совокупiвый разстоящаяся естества, / тем, веселящеся, Тя, Богорóдице, величáем.

Сияет мýсленными светозарéнии светонóсный твой день, / светлэйшими блистáнии трисóлнечно-го, мученице, сияния, / в нёмже ныне моли озарити поiция тя.

Обрелá еси въздаяннiя, страстнóсице, за раны болéзненнiя, / Небéсное наследiе в Цёркви перворóдных, слáвная, / в нéйже торжествующи, твоими молитвами нас соблюди.

Воистинну Христú ныне сочтáлася еси, / безсмёртному твоему Жениху, / процветши свётло Божéственными Сего, всемúдрая, язвами / и честнóю крóвию мучéния сияючи.

Богородичен: Пленiцы моих ныне прегрешéний разреши, Дéво Богородице, / Яже милосёрдия Источник рóждши, едина Богоблажéнная, / и душесладости испóлни, яко да достóйно Тя величаю.

Святая мученица Матрона Солунская была рабыней иудеянки Павтилы, жены одного из военачальников города Солуни (Фессалоники). Госпожа настойчиво пыталась свратить свою рабыню в иудейство, но тщетно. Святая Матрона безбоязненно и твердо исповедовала веру Христову, продолжая ходить в церковь. Вместе с тем она смиренно и безропотно исполняла свои обязанности. Павтила часто унижала рабыню, наносила ей побои, морила ее голодом, но не могла принудить святую Матрону к вероотступничеству. Обуреваемая бессильной злобой, Павтила связала святую и заключила ее в темницу. Однажды, заглянув в темницу, Павтила застала святую Матрону стоящей на молитве; неведомая сила освободила ее от уз. В ярости Павтила приказала четырем своим слугам подвергнуть святую избивению тяжелыми палками. После жестоких побоев святая Матрона скончалась, стяжав у Господа мученический венец (†III—IV в.). Тело ее было сброшено с городской стены. Местные христиане

подобрали останки святой и предали их честному погребению.

По другим сведениям, святая Матрона претерпела мученическую кончину от язычников, которым была выдана своей нечестивой госпожой. На том месте, где было сброшено с городской стены тело святой Матроны, Павтилу настигло возмездие: она оступилась, упала и разбилась.

Впоследствии, по окончании гонений на христиан, епископ Солунский (Фессалоникийский) Александр построил храм во имя святой мученицы Матроны и положил в нем ее святые мощи. Бог прославил святую Матрону нетлением мощей, от которых совершались чудесные исцеления.

Часть мощей святой Матроны была впоследствии перенесена из Солуни и оказалась во Франции, в местечке Мазере, близ г. Тулузы.

Святая мученица Матрона (лат. *Matrona* — знатная женщина; рус. *Матрёна*) издавна почиталась на Руси, олицетворяя смирение и трудолюбие, безропотность и всецелую преданность воле Божией.





**Священномученика Иринѣя,
епіскопа Сремскаго, Сербскаго**

ВѢЧЕР

На Господи, воззвах: предваряет самогласен дне, дважды, и мученичен, и подобны Триоди 3, таже священномученика на 4, стихіры самогласны глас 4:

Просвещен чистотою и целомудрием, / ко священному начальству возведен был еси, / священномучениче Иринее, / тем и светлейшею одеждою священства украсился еси, / Божественных таинств, отче, познаваем.

Аще кроток и смирен был еси, / но ревность к Православию имел еси, ратуя, / верою обложен, яко бронями, / безбоязненностию, яко копием, / повелением беззаконнаго мучителя, / велящаго отрещися Христа, / законы Божественныя противоположил еси / и венец свѣще приял еси.

Столп сердца твоего не поколебася / пребеззаконнующаго мучителя ласканием, / ниже устрашил тя претящее мучение, / но, крепостию Христовою вооружився, / служащаго демоном мучителя / чествовати истиннаго Бога уверял еси, / темже и терпеливно пострадав, / мученически венчался еси.

Слава, глас 3:

Утвердив стопы сердца твоего / на камени Божественных заповедей Христовых, / стоял еси пред судищем, / исповедуя Представшаго судищу Пилатову, / не поколебался еси ласкательными ветры, / ниже лютых мук бурями, Богоблаженне Иринее, / но венчался еси мученическими подвиги, / юже ума твердостию подъял еси, отче.

И ныне, Богородичен: Како не дивимся:

Вход. Прокимен дне и чтенія три священномученическая (зри страницы 324—326).

И прочее последование преждесвященныя. Аще ли не совершается Литургия преждесвященная, тогда на Гос-

поди, воззвах: поставим стихов 6 и поем подобны Триоди 3 и священномученика 3. На стиховне поем Триоди самогласен дне, дважды, и мученичен.

Слава, священномученика, глас 2, самогласен:

Обличил еси словеса Прова злочестиваго / твердым умом усердием / и явился еси радетель любви Иисусовы, / Егже пред мучителем дерзостно исповедал еси, / повеления евангельская и предания церковная благочестно удержал еси, / темже и нуждную смерть подъял еси, / но Христос Подвигоположник прият тя и всели в жилище Небесное, / идеже ликуют ангельския светлости и святых воинства.

И ныне, Богородичен, глас тойже:

Все упование мое на Тя возлагаю, / Мати Божия, / сохрани мя под кровом Твоим.

Тропарь, глас 8:

Жизнь твою целомудренно совершил еси, / ничтоже на земли паче Христа предпочет, / радуясь, вшел еси на мученическое благославие, / противясь мучителя повелению, / явился еси венцосец священный, / ибо Христос возмездие тебе дарова / и всели тя в Царство Небесное.

И ныне, Богородичен.

НА УТРЕНИ

По шестопсалмни ектений и посем Бог Господь: тропарь священномученика, дважды. Слава, и ныне, Богородичен воскресен и обычныя кафизмы.

По 1-й и по 2-й кафизме седальны Триоди. Ектений же не глаголем. По 3-й же кафизме глаголет нерей ектению малую.

Таже седален, глас 4:

Предстоя пребеззаконному судищу, / доблестенно Христа исповедал еси, / сего ради мученически жизнь свою совершил еси, / но к Небесем востекл еси, Иринее Богоблаженне, / и венцем неувыдаемым от Бога венчался еси, / темже ты верою ублажаем.

Сла́ва, глас то́йже:

Сло́вом твои́м свяще́нейшим свяще́нное уче́ние я́ве утверди́л еси́/ и вся веле́ния безбо́жнаго Прова́ отвергн еси́,/ те́мже, святу́ю па́мь твою́ пра́зднующе, вопие́м ти:/ помяни́ нас, свяще́нно-му́чениче Иринее́ приснопа́мятне.

И ны́не, Богоро́дичен, глас то́йже:

Ты еди́на су́щим на земли́, Ма́ти Бо́жия,/ па́че естества́ была́ еси́ Ходатаица,/ те́мже Ти вси—ра́дуйся—зове́м.

Аще ли суббо́та, кро́ме пе́рвыя неде́ли поста́, по 1-й кафизме седа́лен: Предсто́я пребеззако́нному суди́щу: два́жды.

Сла́ва, и ны́не, Богоро́дичен, глас 4:

От родо́в всех показа́лася еси́ Блаже́нна,/ па́че естества́ ро́ждши Содо́теля Христа́,/ блаже́нны содева́ющаго Тому́ работа́ющия,/ Егоче́ приле́жно моли́ спасти́ ду́ши на́ша.

По 2-й кафизме седа́лен: Сло́вом твои́м свяще́нейшим: два́жды. Сла́ва, и ны́не, Богоро́дичен: Ты еди́на су́щим на земли́:

По полиеле́и седа́лен, глас 8:

Боже́ственныя ре́вности испо́лнен быв,/ свяще́нными испове́дании украси́лся еси́/ и боле́зни мно́ги за Христа́ претерпе́л еси́,/ Егоче́ стра́сти, ра́дуясь, поревновáл еси́/ и к Немуже́ преше́л еси́,/ те́мже ны́не мо́лим тя,/ помяни́ вся, ве́рою тя помина́ющия,/ има́ши бо дерзнове́ние ко Го́споду.

Сла́ва, и ны́не, Богоро́дичен, глас то́йже:

Похвала́ ве́рным Ты еси́, Безневéстная,/ и заступле́ние и прибе́жище христиáн,/ Ты стена́ и пристáнище,/ Ты Сы́ну Твоему́ мо́льбы но́сиши, Всенепоро́чная,/ и спаса́еши от бед ве́рою и любóвию Богоро́дицу Тя чи́сту зна́ющих.

Степе́нна, 1-й антифо́н, 4-го гла́са. Прокі́мен, глас 4: Восхва́ляются преподо́бнии во сла́ве/ и возра́дуются на ло́жах свои́х. Стих: Воспо́йте Го́сподеви песнь но́ву, хвале́ние Егоче́ в це́ркви преподо́бных. Вся́кое дыха́ние: Ева́нгелие от Лу́ки, зача́ло 6.

По 50-м псалмѣ стихіра, глас 6:

Востѣк ѹмно на высотѹ Божѣственнаго познѧнія Христовѧ / и одѣян, мѹдре, сілою свѣше, / получил еси тѧйных даровѧній Христовых, / тѣмже, пострадав Егѡ рѧди, / стяжал еси к Немѹ дерзновѣние, / и се ныне молим Тя, / помяни вся, вѣрою тя поминающія, / Богоблаженне Иринеѣ.

Канѡн, глас 8, егѡже краегранѣсие: Се Иринеѧ песнословит Мѣрко. В Богорѡдичнах же и в седѧльне: прѡта Мѣрко.

Песнь 1

Ирмос: Дѣвному Бѡгу величія принесѣм, / и великолѣпно с нами / да воспоѣт землѧ и нѣбо / ѧсно слѧву Егѡ.

С Небесѣ благодѧть исходѧтайствуй ми, свѧте Иринеѣ, / ѧко да возмогѹ достоѡлжно восхвалѣти твоѣ на землѣ светонѡсное торжество.

Егдѧ предстал еси судѣщѹ Прѡва беззакѡннаго, / не убоѧвся претѧщаго мучѣнія, возопѣл еси к немѹ: / Гѡспода Иисѹса не отвѣргуся / и дѣмоном безѹмным не пожрѹ, / ты же твори, что ти гѡде* бывѧет.

Иринеѣ ѡтче Богоносѣ, / стоял еси дѡблественно пред судѣщем, исповѣдуя Христа Гѡспода, / Егѡже Престѡлу ныне предстоѧ, / моли о спасѣнии душ наших.

Богорѡдичен: Пречѣстно воистинну и Божѣственно Бѡжие селѣние, / воспоѣм благочѣстно Марѣю Пречѣстѹю, / приѣмшѹю Невместѣмаго и Непостижѣмаго.

Песнь 3

Ирмос: Утверди мя, Гѡсподи, сілою Крѣстною / и даруй мне сѣрдце чѣстное, / да о Тебѣ хвалѹся, Блаже.

Рѣвностию Бѡжиею дыхѧя, / одѣялся еси Дѹха сілою, Иринеѣ преблаженне, / и победѣл еси вся ополчѣнія, юже на Христа воздвигѡшася.

Имѣя основѧние Христа, Кѧменя незыблема, / добродѣтельными же вѣды удобрен быв, / слѧвою

* гѡде — угодно

мучѣнія, всеблаженне, освятѣвся, / прешѣл еси к любимому Господу, причастием обожаем, Богоприятне.

Не повинувся велѣнію мучителю, / богомерзским идолом не пожерл еси, / но Христа доблественно исповедал еси, / Богоблаженне Иринее славне.

Богородичен: Рождеством Твоим, Пречистая Богородице, / мы, земнороднии, от земли к высотѣ Небесней войстинну вознесохомся / и ангельским ликостоянием причтохомся.

Седален, глас 4:

Отче Иринее Богоблаженне, / добродетельми твоими возсиял еси в Сремстей странѣ, яко великое солнце, / и, просветив верных составленія, / потребил еси страстей омрачение, / и ныне моли Христа Бога даровати нам велию милость.

Слава, и ныне, Богородичен, глас тойже:

Ты была еси Слова Божественная скиния, / чистотою Ангелы превозшедшая, / и мене, персть бывша, паче всех осквернена плотскими прегрешеньми, / очисти молитв Твоих Божественными водами, / подаючи, Чистая, велию милость.

Песнь 4

Ирмос: Услышах слух силы Твоея, / и возвеселися сердце мое о Господе.

Един Человеколюбец Христос Господь / приятя, яко Божественное всесоужение, / тем со Ангелы ныне ликуеши, Иринее, славне мучениче.

Ангелом равносельник быв, / усердно вшел еси на судилище, любовию Христовою разжигаем, / тем и терпеливо пострадав, Иринее преблаженне, / мученически венчался еси.

Просвещен быв Светом Троическим, / служащия демоном уверил еси / чествовати Бога истиннаго, / крепостию же Христовою укрепляем, явился еси всех сильнейши.

Богородичен: Адовы узы расторгши рождеством Твоим, / расторгни пленницы грехов моих, Богоневесто, / и радости вся исполни.

Песнь 5

Ирмос: Твоим Светом озари мой ум, Боже, / молюся Тебе, / да многую Твою воспою, / от нощи утреневав, благостыню.

Ездя по пути заповедей Христовых / и кипя Божественным рачением, отче Иринее, / вся плотския болезни и мучения радостно претерпел еси.

Светолучными Евангелия сиянии просвещен, / не поколебался еси мук волнами, / ниже претящей смерти, мучениче Христов Иринее, / тем неизреченныя славы Божественныя сподобился еси.

Непоколебимыя веры огнем / иссушив мутныя потоки злочестивых велений Прова беззаконнаго, / вшел еси в незаходимый жертвенник таин, / яко тайник неизреченных.

Богородичен: Млеком питаеши Питателя всех, / рожденнаго без тли из пречистаго Твоего чрева / и человеки, тлею сокрушенныя, паки назидаяща.

Песнь 6

Ирмос: Из чрева адова / вопля моего услышал еси глас мой / и избавил еси от тли живот мой, Многомилостиве.

Отче Иринее всеблаженне, / целомудренно житие твое совершил еси / и, врага победив, ко Христу прешел еси, / Егоже моли избавити от страстей безчестия человеки.

Священноотайниче, Иринее мучениче, / ты священнодействовал еси Божие Евангелие / и Божественная учения светло запечатствовал еси мученическою своею кровию.

Лепотный Христов тайник неизреченных таин был еси, / себе же самаго страданием лепоподобно принесл еси Тому жертву приятну, / и жертва твоя, славне, на жертвенник Небесный вознесся.

Богородичен: Истаявшую мою мысль пламенем греха / кроплением милости Твоея напой, Дево Мати, и возжжи сердца моего угасший светильник.

Кондак, глас 1:

Многоболезненных мук искушения претерпел еси, / но непреклонен умом пребыл еси, / мечем

же усечён и в реку ввержен, / речные струи
освятят еси, / сего ради восхваляем тя, отче
Иринее, / воспевающе священную и мироспаси-
тельную память твою.

Песнь 7

Ирмос: *Отроки оросивый в пещи / и Деву
сохранивый рождшую Тя по рождестве, / благосло-
вен еси, Боже отец наших.*

Оружник Христов явился еси, блаженне, / отри-
нув твердостне мучителя нечестие, / тем и Хрис гос
возмди ты за терпение, / уготовав тебе жилище
Небесное, идеже ныне воспеваеши: / благословен
еси, Боже отец наших.

Владыки твоего рачением наслажда, / мирскую
любовь пренебрегл еси / и мучения венцем, отче,
украсился еси, темже зываеши: / благословен еси,
Боже отец наших.

Иго Христово на раме твоём усердно нося, /
покой обрел еси в души своей, / и вместо тесноты
обрел еси широту радования, / и в райстей сладо-
сти с мученики восклицаеши: / благословен еси,
Боже отец наших.

Богородичен: *Радуйся, Благодатная Богороди-
це Дево, / храм и священное жилище Слова сущи, /
и буди нам прегрешений очищение.*

Песнь 8

Ирмос: *Преподобнии Твои отроцы, / в пещь
ввержени, пояху: / благословите, дела Господня,
Господа.*

Ты ничтоже предпочёт на земли, отче Иринее, /
Христу последовал еси, злочестивому Прову со-
противляясь, / и, за истину пострадав, вопиял еси: /
благословите, дела Господня, Господа.

Молитвами и постом плотская мудрования
умертив, / ревностию же веры распялем, / при-
неслся еси, отче, Богу жертва приятна, воспевая: /
благословите, дела Господня, Господа.

Исповеданием Христа показался еси адаманта
твердейший / и к мучителю зывал еси: / не
устрашаюся смерти, ни мук вида, ниже жру
демоном, / Бога Единого, в Троице познаваемого,

чту, / Емуже всегда песнословлю: / благословите, дела Господня, Господа.

Богородичен: Клятвы прародительныя избавльшися, Пречистая, / благословение Тобою получихом. / Темже Тя благословим, и величаем, и любовь убожаем.

Песнь 9

Ирмос: Тя, ширшую Небес, Богородице, / и светлшую солнца, / песньми величаем.

Радостно поем подвиги твои, отче Иринее, / юже за Христа паче естества претерпел еси, / твердым помыслом противяся Прову злочестивому. / Темже ты в песнях величаем.

Ко Господу любовь огнепальную имел еси, / добротою же Божественною наслаждаем, / радуясь, совершил еси подвиг твоего мучения, / сего ради в песнях ты величаем.

Огнем Божественным распяем, / юзи и многоплетенныя муки доблественно претерпел еси / и не принесл еси чести истуканным, / тем ты верою убожаем и в песнях величаем.

Богородичен: Отчее Слово и премудрость несказанно рождающая, Дево Всенепорочная, / души моей лютую язву уврачуй и сердца болезнь укроти.

Светилен:

Сиянием Небесным озаряем, / Христовою силою укрепляем, / мужеским нравом к мукам устремился еси, / исповедая Божие святое Имя.

Богородичен:

Сиянием от Тебе паче ума Возсиявшего / озари наша мысли, Всенепорочная, / и помыслов душевных умали тьму, / яко да поем Тя, Владычице.

На хвалитех стихир на 4, глас 1:

Божественный закон соблюдая, / достолаженне Иринее, / злочестивому мучителю мужеским нравом противостал еси, / Божественное веление ясно проповедал еси / и был еси доброе приношение и жертва непорочная. / Темже Христу непрестанно молился / спасти души наша.

Истины проповѣднице, / нечѣстия Христоносный сопротивоборителю, / Иринее приснопамятне, / твердо бо сопротивился еси суемудренному Прову, / мнящу повинутьи тя чуждим / и мерзостным чѣсти принестѣи, / ты же не повинулся еси велѣнию Его, / но, чѣстно пострадав, прославился еси.

Стратотѣрпче всеславне, / Иринее всемудре, / сломил еси львов чѣлюсти, / подъяв лютая сокрушения, / и, вся доблественно претерпѣв, / в рѣчныя ввержен еси глубины, / и вѣчнуюю наследил еси радость и красоту.

Оружием терпѣния враги победил еси, / претерпѣв истинно болѣзненное мучѣние, / пребеззаконный же Пров, обличен терпѣнием твоим, / отсекает главу твою, блаженне, / и во глубины рѣчныя вметает тя. / Но Христос Человеколюбец, приим, / всели тя в Царство Своѣ Небѣсное.

Слава, глас 2:

Душу свою просветив огнем Божественнаго разума, / веровав и последовав глаголом Христовым, / неуклонно к Немю взирал еси, / и, презрев все преходящее благославие, / законно Христу пострадаѣти изволил еси, / и нетлѣния одеждою светло облѣклся еси. / Тем тя молим: / испроси согрешений оставление / всем, верою поющим честная страдания твоя.

И ныне, Богородичен, глас тойже:

Егоже родила еси, / телѣсно к нам пришедшаго Христа Господа, / умоли, о Богомати Всемилостивая, / милостиву и благоувѣтливу быти нам, / Тя бо Предстательницу и спасѣние стяжахом.

На стиховне в Триоди самогласен, двѣжды, и мученичен. Слава, священномученика, глас 1, самогласен:

Противился еси крепко злочестивому мучителю, / Богоблаженне Иринее, / повелевающе мерзским тебе богом жрѣти, / ты же, отринув повелѣние, / не повинулся еси, / но, яко агня, к заколѣнию готов был еси. / Сего ради и мы достойно тя ублажаем.

И ныне, Богородичен, глас тойже:

Богорадованная Дѣво Несквѣрная, / Мати Зиждѣтелева, / Ты чинѡв Небѣсных еси радование, / человѣческому же роду Помощница Благословѣнная, / моли о спасѣнии душ наших.

Таже трисвятѣ, тропарь, ектенія и три поклѡны великія. Час 1-й с кафизмою и отпуст.

Аще ли суббота, на стиховне не поѣм, но поѣм славословіе великое.

НА ЛИТУРГІИ

Аще суббота, Блаженны священномученика, пѣсни 3-я и 6-я, и прочая служба священномученика.

Священномученик Иринея Сремский (или Сирмийский) был епископом в Паннонии (провинция Римской империи) в городе Среме (ныне город Сремска-Митровица, Югославия). Он пользовался глубоким уважением паствы за свое благочестие и весьма строгий образ жизни.

Во время гонений на христиан, воздвигнутых при императорах Диоклитиане и Максимиане (284—305), святой Иринея продолжал проповедовать веру Христову и утверждать в ней многих новообращенных. За это он был схвачен и приведен к правителю Срема Пробу. Святой Иринея отказался отречься от христианства и принести жертву языческим идолам. Тогда святого предали на мучения. Несмотря на уговоры родных и друзей, бывших очевидцами его пыток, святой Иринея отказался поступиться верой и был непреклонен в исповедании Христа Спасителя. Правитель Проб пытался сломить волю мученика, бросив его в темницу и уговаривая пощадить свою жизнь ради сыновей. На это святой Иринея отвечал: «Сыновья мои веруют в Бога, Кото-

рый позаботится о них, меня же ничто не заставит отречься от Христа».

По приказу Проба святого привели на мост Артемиды через реку Саву, чтобы утопить. Святой мученик спокойно снял с себя одежду, стал на колени и, воздев руки к небу, обратился к Господу с молитвой о своей пастве, чтобы Христос сохранил ее от опасностей и зла, от видимых и невидимых противников и утвердил в святой вере. По окончании молитвы священномученик Иринея был обезглавлен и брошен в реку Саву. Это произошло 26 марта 304 года. Память святому Иринею в различных месяцесловах указывается по-разному: 26 или 27 марта. В настоящем издании мы даем ее под 27 марта, так как под этим числом помещена Служба святому Иринею, изданная в Белграде в 1972 году (составлена протоиереем Мирко Р. Павловичем).

Литература: Житија Светих. Сост. архимандрит д-р Иустин Попович. Белград, 1973, с. 481—485.

